

●陳黎演義〔續〕

楚狂

時明人以大軍壓迫我民。無惡不作。民不勝其苦。故其生反動力亦大。太原大慈父道阮芮起兵。往返三島山。農文歷聚兵據諒山。扼塞明人往來之路。殺獲無算。蒞仁阮了招率陸那武禮等縣民。舉兵攻掠。明人大困。後阮芮爲張輔所擒。農文歷亦敗。了招與明兵相持至數年之久。因重光帝在父安路阻不得達。衆稍解散。明參議阮助假爲婚姻。誘致殺之。勛海陽人時爲僞官。爲敵人出力者也。明帝勅諭布政司州府縣官吏及耆老人。蓋以溫辭慰撫叛民也。按明人郡縣我地。自謂威力足以脅制。當無敢有蠢動者。然自丁亥五月擒胡氏父子。八月張輔班師。十月而簡定立。復繼之以重光。所在豪傑響應。裂裳爲旗。荷鋤爲兵。仆者自仆。而起者自起。五六年之間。戰爭不息。明帝始知其難定。於是詔勅勤拳。或慰誘軍民。或獎勵土官。至是又諭布政司州府縣官及耆老吏民。赦過宥罪之仁。顯忠遂良之政。化民成俗之條。溢于簡冊。然張輔所至。狠於猛虎。黃福所令。煩於牛毛。我民烏得不憤懷宗國。思有以報其父兄子弟之讎。雖敗亡亦何所顧哉。

重光帝復率阮帥阮景異等將兵過海。至雲屯海東。及諸海濱。哨取糧食。襲擊明兵之屯戍者。復還父安。軍人僅存十之三四。明張輔復寇父安。帝幸化州。命臺官阮表充求封使。齎方物至父安。蓋爲緩兵之計也。表往輔軍前。賊徒使拜。表坐立不爲動。輔知其不可屈。以禮遣歸。行至藍橋。時盤石宗魯人潘季祐。潘僚父子降賊。爲父安知州。與賊相爲表裏。輔因問僚以表何如。人僚素與表不相能。爲之說表。是安南豪傑。要得安南地。非斯人事。何由濟。輔然之。卽遣人追表。表自度必死。手筆題藍橋柱曰。七月初一日阮表死。表再往。輔責其無禮。左右勒令表拜。表愈不屈。正色罵輔曰。內圖攻

守之計。外揚仁義之師。既許立陳氏子孫。又設置郡縣。不唯掠取貨寶。抑且殘害生民。真虐賊也。輔大怒。命縛于安國寺。搥殺之。表死之日。罵不絕聲。事聞。帝深爲之悼惜。表又安羅山平湖人。時爲太學生。殿前侍御史。爲人剛直。遇事敢言。至是。罵賊而死。人皆義之。噫。世末面從。頓無犯顏敢諫之士。難臨節改。安有杖節死義之臣。惟表遭時末造。顛沛流離。爲國盡忠。捨生取義。千載之下。聞其風者。凜然猶有生氣。後人有題阮表祠詩云。一義士祠堂何處邊。平湖岸上草芊芊。一生忠義華夷見。千古綱常日月懸。秀實未亡猶罵泚。文山雖死不降燕。平灘大敗明人殪。正是先生殺賊年。明兵已佔領。又安復會諸將議。攻取之策。沐晟曰。化州山高海濶。未易圖也。張輔曰。生我者是化州。死我者是化州。化州未平。我何面目見主上乎。遂發舟師。凡二十一日。進犯化州城。初簡定帝之起兵興復也。舊鎮撫潘季祐有謀畫贊成之功。累遷少保。及張輔寇。又安重光帝幸化州。季祐降賊。輔大喜。旬日季祐病死。輔劄授子僚爲。又安知州。厚賞其家。僚盡以將相之賢否。兵數之多少。山川之險易。告之輔。故輔敢決意取化州。

明張輔等與阮帥戰于蔡茄港。南北相持。鄧容伏兵象夜襲輔營。容登輔船欲生獲之。而不辨其人。輔急乘小船而遁。明軍半潰。容燒燬其舟船器械略盡。輔見容軍少而無援。復來與戰。容軍奔潰。自是竄伏山谷。張輔以都督黃中爲前哨。捍上流。阮帥遣刺客三人載草順流至輔船。一人登船首。二人登船尾。輔覺。覓得二人。殺一放一。明日會諸將議。輔以中取備不謹。致有刺客之事。斬之。諸將皆失色。是月阮景異鄧容皆爲張輔所獲。景異面叱輔曰。我欲殺爾。反爲爾所擒。罵不絕口。輔大怒。殺而啖其肝。

帝奔老撾。張輔遣指揮師祐破其三關。獲之。送至軍門。阮帥聞帝被擒。謂其妻曰。臣事君死生以之。生享其祿。死當同其難。今吾主俘虜。而吾苟且幸免。何以生爲。遂求見帝。與相持慟哭。明人異之。稱其忠臣之節。古來僅一二耳。明人俘帝。與阮帥鄧容等歸東關城。又令人誘之燕京。帝至途中。赴水死。容亦隨入水而死。帥見帝已死。日與監守指揮圍碁。浸相狎。以碁枰擊殺之。卽躍入水死。國統遂入于明。

按胡氏篡國。大物已非陳有。二胡之後。陳氏又復未絕者七年。天故爲之生鄧悉。鄧容。景眞。景異。父子。與阮帥。爲興慶重光之輔。五人不生。則陳不暫復。五人不死。則陳未遽亡。鄧悉。景眞。已被冤戕於興慶。鄧容。景異。復立一君。爲陳効力。崎嶇顛沛。死生以之。知有國而不知有家。知有主而不知有身。景異爲賊所獲。痛罵而死。容則親登輔船。欲生縛之。帥則遣刺客三人以殺賊。滿地干戈。勢窮力竭。而志氣不少沮。戲龍蛇。喝虎狼。眇視爲掌中物。誓不與此賊俱生。其勇烈爲何如。容有感懷詩云。一世事悠悠。奈老何。無窮天地入。酣歌時來屠。釣成功。易事去。英雄飲恨多。致主有懷扶。地軸洗兵無路挽。天河國讎未復頭。先白幾度龍泉帶。月磨一辭情慷慨。風調軒昂。迄今讀之。猶凜凜然有生氣。至如重光帝孤蹤崛起。以一旅之衆。圖復國於板蕩流離之際。譬猶以一木而支既傾之大廈。豈不知其勢之不可回也。姑盡其所當爲耳。左持右扶者。唯阮鄧二將。此外皆觀釁之人。出攻入守者。唯父演一隅。其餘無用武之地。山陬海澨。跋涉間關。邏津平灘之勝。不足補靈長月常之敗。帝與明戰。常爲所敗。於靈長海口。月常江。從義之兵幾盡。求封之使不還。容帥之志雖不沮。而虐賊每占去便宜。順廣之險若足憑。而

叛酋已導之形勢。天厭陳德。故摧其羽翼而投之網罟。老嫗之厄。豈人事之罪哉。及其被俘送燕京也。途中赴水。義不受辱。君死於國。臣死於君。莊定有子。可爲亡陳生色。其勝於後蜀季明多矣。

明張輔、沐晟招撫新平順化撥分官治。與土官同辨事。取勘人口。攢造戶冊。昔者京路仕宦有避賊從重光帝如化州者。至是有挈家往老嫗者。有去占城者。國人自是盡爲明人臣妾矣。吁痛哉。

明張輔劄各府縣凡軍家虜獲小厮婦女而逃匿各處者。捉送軍門。所在官希上司意。多捕貧民流移者解送之。又禁男女不得剪髮。婦女穿短衣長袖。皆爲北裝。開墾田糧桑絲。每戶一畝。開爲三畝。是後勸課戶口增田每戶十畝。三高爲一畝。故十畝其實只有三畝。每畝徵粟五斤。沙洲每戶一畝。徵絲二兩。每絲一斤。

織絹一匹。又取勘金銀場起夫淘採及捕白象採珍珠。重科厚斂。民不聊生。海濱鹽場禁民私賣。並令內官管之。又立本場局使副以分管之。府州縣置稅課司。河泊所使副。明開鹽法。先令本場使副督人煎煮。每月若干。送提舉司收貯。內官募商出金領布政勘合。大勘合開鹽十斤。小勘合開鹽一斤。方得發賣。無勘合者同私鹽法。又禁行人例得鹽三碗。鹹一坵而已。明黃福差官押路送府州縣儒醫陰陽僧道正身赴燕京除授官職。回本衙官管事。仍令所在官給與盤費伴送。無者懲治。沿途應付日糧脚力。後又起送文武土官耆老赴燕京。換總兵劄用部帖黃實授官職。保陞參議。阮勛爲左布政使。知府梁汝笏杜維忠爲參政。其餘陞知府。同知府。知州。同知州。知縣等官。張輔又劄閱土軍名數。取民戶三分之一。分隸各衙所。每戶各一丁爲準。非衙所而有要害處。亦立堡柵。以民兵守之。又諭前朝招舊官假撥軍民衙門辨事。轉送燕京留之。奔競之徒。素非本官。未得實授官職。亦挺身

出國內爲之虛空。居數年艱苦往往逃回。又送土吏滿九年者留撥在京辦事。未滿者放回。黃福劄令土官阮勛、梁汝笏、杜希望、梁士永、楊巨覺等。並以家人赴燕京報効。營造宮殿。明帝以遠人艱苦。優賜遣還。

攷自明人佔領安南全境。始於甲午。一四至丁酉。一六僅四年間。而所施之暴政。已不勝計。虜小廝

婦女。而貧民流移者困。增加田土原額。而農民生活者困。捕象採珠。而民苦於應命。重科厚斂。而民

苦於誅求。其他如專收鹽利。差官督煮。種種剝削。賦重毒蛇。政苛猛虎。吾民之塗炭。未有甚於此者。此時

明內官馬騏奏總兵張輔在交趾。選取土人壯勇者爲圍子手。明帝疑之。召輔還。遣豐城侯李彬以

總兵征夷將軍代守馬騏之南來也。專事採辦。至是特得明帝信任。大索境內珍寶。人情騷動。乘時

起義者不乏其人。陸那則有阮員。順州則有黎核。潘強。土官同知陳可論。判官阮昭。千戶陳恂。南靈

州判官阮擬。左平知縣范伯高。縣丞武萬。百戶陳已律等。多爲明兵所擊滅。繼此而起者。爲四忙縣

車三。又安知府潘僚。南靈州千戶陳順慶。又安衛百戶陳真誠。范軟。起於浮樂武貢。黃汝典。起於渴

江。陳水果。起於武定。阮特。起於快州。吳巨來。起於善誓。鄭公證。黎姪。起於同利。陶強。起於善才。丁宗

老。起於大灣。范玉。起於安老。皆自署官爵。殺明將吏。並焚其廬舍。有楊恭阮多者。皆自稱王。署其黨

章五。譚興邦。阮嘉。爲太師平章。與各處義兵相爲倚角。而潘僚范玉尤有勢力。指揮路文律。千戶陳

苔等從之。玉初爲塗山寺僧。自言天降劍印。稱羅平王。紀元永寧。與范善。吳中。黎行。陶承等。並起。署

爲相國。司空。大將軍等。攻破各城邑。清化人黎利亦起兵於藍山。稱平定王。王起家父道。（土酋官名）世爲

藍山豪長。初從重光帝授金吾衛將軍。及重光敗。王退歸藍山。明黃福招致之。授爲俄樂縣土官巡

檢見明人苛虐。慨然有撥亂之志。常謂人曰。丈夫生世。當濟大難。立大功。流芳千載。何乃屑屑爲人役使乎。遂率豪傑舉義旗於藍山。自立爲王。以侄石爲相國。分設文武官名。傳檄遠近。期滅明賊。明使內官馬騏舉兵圍藍山。王退屯落水。騏至縱兵衝擊。黎石與諸將丁蒲、黎銀、黎理等爭先陷陣。斬明軍。收獲軍器不可勝數。既而王有叛將嚮導。引明軍襲後。王師復潰散。退保藍山。明總兵李彬再引兵搜檢。王伏兵攸汶。以毒箭射之。死傷過半。彬敗引退。

攸當時明人南侵。祖邦瓦解。勤王之師已殄。內屬之勢已成。明人肆其暴威。無惡不作。又收用一般媚外之輩。如阮勛、梁汝笏、杜維忠等。授之以爲彼奴隸之顯銜。啗之以吾民膏脂之厚祿。意謂吾人將見此富貴迫來。便忘却本領。趨之若鶩。以婢膝奴顏而圖肥一身一家也。豈知自丁李以來。已建成一獨立國體。一國之大。兆民之衆。其中真正鬚眉男子。威武不能屈。富貴不能淫。爲國效忠。乘時而起者。不知凡幾人。雖以螳臂當車。勢力弗敵。然前仆後繼。百折不撓。能爲我國民吐氣。及至黎皇仗劍一呼。遠近嚮應。明人屢戰屢敗。始不敢復易視我人。而終至於敗衄而北歸矣。

〔未完〕

清宮秘史

傷心客

清社今已墟矣。滿洲帝族。悉降爲平民。路泣王孫。魂孤帝子。末葉之宣統帝。去年亦爲馬二氏所逐。人皆呼之爲溥儀先生。蓋不過中華之一平民耳。噫。靜言思之。良可爲帝制派痛哭矣。攸亡滿洲者。雖出於中華革命黨之手。而所以致滿洲於亡者。實出於滿西太后之手。余因詳述西后之一生。鬼域事實。名之曰清宮秘史。

馮玉祥

西后姓那拉氏以千八百三十四年生。父爲滿洲人。仕至道臺。后生未數歲。其父失職。資產蕩盡。家道中微。朝不保夕。后爲貧家女。時或採薪或鬻菜以供一家之生計。家道益不振。其父不能復棲故地。遂携后流浪於四方。不知經幾顛沛艱難。終無一線生路。然后生而聰警絕凡。眉目艷麗。故年雖尙幼而已知念一家之窮困。其苦心橫慮。非尋常少女之所夢想及之者。因不得已欲賣身以救一家之貧乏。告之於其父。其父以爲家世爲滿洲旗人。故雖如何窮窘。亦不忍賣其女。斥而不聽。饑餓愈迫。終陷於悲境。遂含淚以掌上珠。賣之爲廣東某富家之下婢。頗后爲滿洲女。故不纏足。爲下婢而服役亦頗便捷。

千八百五十一年。后年方十七。適爲咸豐帝卽位之年。帝已立正后。又有選妃之勅諭。凡滿洲人之處女自十五歲至十八歲。容貌秀麗者。應募充選。合格者入宮充爲妃嬪。此種勅諭。遍揭於各處。那拉氏之少女。適外出見之心竊歡喜。遂決意出而應選。后幼時其父尙爲道臺。故讀書算數以至琴棋末技。無不略受指教。加之天性穎悟。有才氣。纔八歲已略通普通之文藝。一見上諭。已直能曉解其旨。遂有非常之決意。念以一賤婢之身。一躍而爲皇妃。人誰不驚爲意外之事。因歸以欲應選妃之事。語之其主人。切求助力。主人大驚。一時不知所言。及後覺悟。乃大稱讚其志願。因以后爲養女。投數千金爲之設衣服簪珥。浴以蘭湯。梳以桂油。一理盛粧。則天成麗質。益發揮其美。雲鬢花顏。容姿綽約。念昔者楊貴妃入宮之時。想無以異。又給之以旅資。送往燕京。

后既抵京。見四方佳麗已悉集於此。被舉其爲預選者凡十人。后在其中。以才貌兼備。半點無瑕。遂當盛選。以廣東市人之一小賤婢。忽入深宮。門鎖九重。名震天下。后又聰慧善迎天子意。專房之寵。

竟冠後宮。無何舉一皇子。咸豐五年。帝卽立其子爲皇太子。後此稱爲同治帝。卽其人也。於是在宮中稱皇后爲東妃。稱后爲西施。那拉氏之少女芳紀未到二十歲。早已得與皇后並稱。其寵幸悉集於后之一身。後宮佳麗。心竊妬之。后亦知其爲在宮中之怨府。厚與皇后相結。以得其歡心。又謙讓恭敬。以避宮人之嫉視。其韜晦殆無不至。舉庭於是無不稱贊后之才德。皇后之信服益厚。天子之寵幸益加。當時清國方有洪楊之難。勢甚猖獗。廣東廣西所在蜂起。后之選妃之年。在咸豐元年。卽洪秀全稱太平天國天王之年者也。后生同治帝之年。爲咸豐五年。卽洪秀全攻陷武昌。據有南京。號令四方之年者也。當時滔天之禍亂。震動禹域之太半。左宗棠曾國荃諸將。僅暫撐持。尋有英法之事。至咸豐八年。媾和成。其事漸寢。同年更有天津守兵襲擊英法使臣之舉。再與英法構難。因結天津假條約。清廷終不肯批准。

咸豐九年。卽千八百五十九年。英法聯軍乃率艦隊攻大沽砲臺。直溯白河陷天津。通州亦失守。翌年長驅直迫北京。壯麗之圓明園。忽付之一炬。乘輿奔播。舉國皇皇。北京幾至陷落。西后亦抱六歲之幼子。追隨於熱河。萬里蒙塵。以避變亂。時恭親王獨受勅命。留於北京。當講和休戰之任。然因彼兩國之要求過大。善後之條約非易締結。其翌年十二月。帝因病崩於熱河。夫當外患方殷。內亂猖獗。帝乃中道崩殂。國步之艱難未有甚於此時者也。

初咸豐帝病篤。自知不起。竊召東后。授以遺囑。謂「朕百歲之後。卿爲正后。當以一身攝政。輔佐太子。西后爲人隱險。決不可使之參預正權云云。」恭親王及端華肅順二王亦受遺命。監督西后之行動。及輔弼太子。太子載淳卽位。改元爲同治。西妃以帝之生母故。亦被尊爲西太后。與東太后並

稱奉遺詔東太后一人垂簾聽政。西太后雖爲國母不得預。然東太后爲人淑婉不足憚。恭親王亦篤實易與。唯端肅二王負才氣兼有勢力。西后殊忌之。其年英法兵助清國諸將曾國藩曾國荃左宗棠李鴻章等夾攻太平天國。敵勢漸衰。同治三年天王洪秀全服毒而死。金陵先陷。粵桂隨平。茲將西妃與天王並論而觀之。西妃由廣東入京而爲國母。洪氏亦由廣東北來而爲天王。然一則一敗塗地。空留叛賊之名。一則養晦深宮。陰圖攝政之事。以其成敗而論。堂堂太平天國之天王。竟不能比那拉氏之一少女。亦良可哀矣。

帝踐祚未幾。便與端肅二王大疑獄。據世人所傳說。謂肅順愛西后之姿色。常以婉言挑之。謂我若登帝位。卽立汝爲正后。西后佯諾。尋由熱河歸京。與漢人翁心存相謀。派遣醇親王於熱河。假稱上諭。斬肅順於臥床。又要端華於劇場賜之死。疑獄之真相無由而知。然端肅二王則已悉被誅戮矣。二王既誅。東太后乃與恭親王共攝政。恭親王爲咸豐帝之弟。乃皇室中之最有人望者也。以一身當英法之折衝。講和戢兵。又設總理衙門。自爲總理大臣。西后於是偏敬事東后。東后亦傾心信賴。以爲西后之厚於已而喜之。終使之共立朝垂簾聽政。而西后於是得參預政事矣。一日兩太后並坐閒談。東后不覺歎息曰。一知人之難。從古而然。以先帝之明。而尙不能知卿。云云。蓋以帝之遺詔謂西后陰險。而其實乃不然也。西后愕然問故。東后乃出咸豐帝之遺詔示之。西后一見。顏色頓變。東后頻慰之。并爲之燒棄其遺詔。西后拭淚以謝。無何西后舊家有獻餅子者。分以進之。東后共賞其美味。次日西后又親製同樣之餅子。以贈東后。東后食之。俄而崩殂。太醫診斷死屍。認東后係被毒而死。然東后之毒死。傳爲後宮怨西后者所爲。欲以陷害西后。故終不至累后之盛德也。東后既

崩。官中之事一切決於西后。只府中之政。恭親王尚仍舊攝行。時禍亂既平。創痍略癒。治績漸舉。恭親王之威望亦益高。同治四年四月。王忽被彈劾。處以專橫之罪。幽閉於獄。其他大臣數人亦以先帝葬儀之際有違古典。獲罪處死。此數人乃當時爲王之幕僚最有名望者也。舉朝見此。無不錯愕。王被罪一月餘。尋蒙赦免。更以特旨復總理衙門大臣之任。王於是始憚西后曲意承順。不敢有所違。當王被幽閉之時。內監李蓮英頗得權勢。夙稱爲西后之股肱。人或謂西后於東后崩後。往往於宮中張長夜之宴。便嬖常在左右。暗裏運英有密關係。此事不知果否。然蓮英以一宦豎驟得權勢。而對於剛毅榮祿諸大臣。無不頤指氣使。如弄嬰兒。則亦可知矣。

同治十一年。帝年既十八。舉行大婚典禮。西太后亦猶垂簾聽政。萬機悉出於方寸。蓮英之寵幸亦依然不衰。西后尋以病不出宮者數月。同治帝之后亦于其時仰藥自盡。說者謂西后有孕。將屆分娩之際。帝后不知。直入問安。西后因以金屑迫帝后吞之。以致死。又令人流言帝后怨望。仰藥自盡云云。以塞人口。同治十三年。帝崩。無子。西后乃命擁立醇親王之子載湉。是爲光緒帝。時帝年僅三歲。其母乃西后之妹也。光緒帝既即位。西太后垂簾聽政。一切政務皆事專制。宗室大臣莫敢有違。恭親王亦仍占總理衙門大臣之首席。嗣因國際關係日益頻繁。曾左諸功臣亦各物故。王察不堪力任。乃請辭職。而以醇親王代之。醇親王性好風流文雅。知獨力不能撐持大局。乃舉李鴻章以爲之輔。時宗室諸大臣皆推服西太后。李鴻章劉坤一。張之洞諸大臣亦竭誠効忠。而樂爲之用。如西后者亦真可稱爲當代第一女傑矣。

光緒十二年。帝僅十五歲。西后乃選其皇姪定爲帝妃。十三年后乃解攝政之任。舉行帝親政儀式。十五年乃舉大婚典禮。並册立皇后。時帝年十八。宮中有寵臣李蓮英。府中有軍機大臣孫毓汶。皆后之腹心也。彼等握朝權。皇帝不過只擁虛位而已。至光緒二十年。帝年廿四歲。銳意圖治。然各大臣無有服從之者。帝乃親自拔擢。文廷式由翰林編修擢授侍讀學士。又舉志銳爲侍郎。銳有兩妹。美而有才。卽珍珠兩妃。亦深得帝之寵幸。西后見此不悅。乃矯其專橫。褫二妃之位。號剝去衣服而杖之於廷。尋命幽閉之。北清動亂之時。帝與西后共棄北京而他走。后陰使人脫珍珠妃於幽室。入之大囊而投之于井中。妃受幽囚已二年餘。至是竟化爲井中之冤鬼。西后之陰毒可謂極矣。

帝志圖變法。實有二十年之久。此年恰西太后六十歲之慶節。帝率文武百官齊就式場。至所定時刻。后之嬖臣李蓮英未到。西后未許舉行。待凡四點鐘。蓮英到始得行禮。閣豎之跋扈。至於如是。帝大怒。杖蓮英於庭。蓮英訴之西后。后知帝年漸長。有敢爲之氣。深以爲不悅而憎之。益甚。蓮英亦深怨帝。日進讒言。解帝怨望之餘。陰圖不軌。又陰結榮祿。剛毅諸大臣。潛謀廢立。時有寇連材者。與蓮英同任宦官之職。不忍視西后之虐待。帝屢入密諫之。常受叱斥。西后虐遇益甚。連材遂暫乞假歸家。以其日記授之弟。暗表訣別之意。歸宮跪於西后之前。流淚說帝之英明。請勿掣肘。且述國家多事。請帝節遊樂。停止頤和園工事。並彈劾西后新任之諸大臣。西后大怒。卽日下連材於慎刑司獄。翌日質問。卽處以死罪。連材日記中有數條曰：「中國四億人之中。境遇之最苦者。無有若我皇上者。凡人當幼時有父母憐愛。顧其出入。視其飲食。注意寒暄。獨皇上自五歲登極。人莫敢親愛之者。雖醇邸福普帝之父母亦不許親近。其可以親愛皇上者。唯西太后一人。而后驕侈淫佚。絕不以爲念。醇

邸福普均爲之淚咽。皇上每日三食。供數十品。雖珍饌滿案。然其實連日均以舊食品供之。腐臭不堪。咽。或有非腐臭之品。然大抵乾固不堪。時命膳房易他一品。膳房必奏之。西后。西后又以儉德責之。故皇上竟不敢言。西后之待皇上。無時不疾聲厲色。皇上少年之時。每日呵斥之聲不絕於耳。少有不合后意。卽鞭撻隨之。或罰使長跪。積威所怯。皇上每見西后。如見獅虎。戰戰兢兢。膽爲之破。遂使皇上爲神經病之人。及今一聞鑼鼓之聲。吼喝之聲。顏色卽爲之變。皇上每日必至西后之前。長跪請安。西后多不與之言。中日開戰之頃。上請罷頤和園工事。以充軍費。后大怒。自甲午年五六月至乙未年九月。其間凡二十個月。幾無一言及之上。每日至西后前跪至四點鐘之長。始命起身。二云云。觀此足窺一斑矣。又其時又有載澍疑獄。載澍者道光帝之孫也。其夫人與帝后同爲西后之姪。夫人無子。有妾舉一子。夫人奪其子而殺之。載澍怒其殘虐。面責之。夫人遽還母家。譖於西后。載澍之母知禍已發。先入宮中白狀謝罪。西后忽下詔曰。載澍不孝於母。今其母來控告。宜正罪刑。特念爲先帝之孫。處以永遠監禁之罪。以戒不孝。因強迫帝以此詔交禮親王宣布之。帝爲之垂淚。不敢發一言。禮親王見詔不勝驚懼。載澍之母一聞此信。爲之昏絕仆地。載澍由是被禁於內務府獄中。每日僅給一餐。雖嚴冬亦無寒衣。賴獄卒竊以爐火供之。始免於凍死。人皆謂此事係后借懲載澍而以之威嚇帝者也。

〔未完〕

●國喪

啓定大皇帝奉於陰曆九月二十日升遐。臣民等同深哀悼。本誌同人等謹此恭錄。奉表悼惜微意。